


AVANNATA KOMMUNIA
Innarluutillit pillugit politikki
2022



Indhold

Siulequt.....	3
Aallaqqaasiut	3
Takorluugaq.....	4
Innuttaasoq qitiutillugu	5
Innuttaasunik peqataatitsineq	5
Suliat akimorlugit tamakkiisumik isiginnilluni suliamik isumaginninneq:	5
Innarluutilinnut siunnersuisoqatigiit	6
Suliamut piginnaasat	6
Anguniakkat.....	6
Nammineerluni inuunermik ukkassilluarneq.....	7
Tapiiffigineqarnissamut periarfissat.....	7
Ineqarneq	7
Paasissutissiineq	8
Anguniakkat.....	8
Peqataatitsineq inuunerinnerlu	9
Tikikkuminassuseq.....	9
Suliffeqarneq	9
Ilinniarneq.....	11
Anguniakkat.....	11

Siulequt:

Politikkimi matumani aallaavigalugu kissaataavoq kommunimi innuttaasut tamarmik, qanorluunniit inissisimagaluarunik, imaqqortuumik inuuneqassasut qaffasissumik pitsaassusilimmik. Innarluutilinnut politik-kimi matumani Avannaata Kommuniani piffissami 2022-2025 innarluutillit pillugit suliniuteqarniarnermi sinaak-kutissat takusassiarineqarput. Politikkeqarnermi siunertaavoq, innuttaasut kommunimilu sulisut akornanni suleqatigiinneq pitsaasumik toqqammavississallugu, taamatullu aamma suliasaqarfiup iluani sulinermi sulianik isumaginninnermi, aaqqiisarnerni suliniuteqarnermilu. Politikkilu aamma atuutissaaq suliasaqarfimmi sulisunut aalajangiisartunullu najoqqutassiatut.

Politikkimi aallaavigineqarpoq kommunip pilersaarutitut periusissiaa 2020. Taamatutaaq toqqammavigine-qarpoq FN-ip innarluutillit pillugit isumaqatigiissusiaa, Inuit innarluutillit tapersorsorneqarnissaannut Inatsisartut inatsisaat nr. 13., 21. juni 2019-imeersoq, ilitsersuutaa ilanngullugu, kiisalu Angerlarsimaffimmi ikiorteqartitsisar-neq pillugu Namminersornerullutik Oqartussat nalunaarutaat nr. 32, 26. juli 1994-imeersoq, ilitsersuutaa ilan-ngullugu.

Taamatutaaq innarluuteqarneq pillugu ilisimasat nutaat ilisimatusarnerlu najoqqutassarsiorfigineqarsimapput innarluutillit pillugit politikkip suliarineqarnerani.

Politikki pingasunut immikkut ukkatarineqartussanut aggornilerneqarsimavoq, aggornerillu iluini aamma immik-koortortaaralersorneqarsimalluni, quppernerit tulliini itisilerneqartussanik.

Taakku immikkut ukkatarineqartussat ukuupput:

- Innuttaasoq qitiutillugu
- Nammineq inuunermik ukkassilluarneq
- Peqataatitsineq inuunerinnerlu

Aallaqqaasiut:

Innarluuteqarnerup iluani kommunip innuttaasut sullissai assigiinngitsorpasuaarnik innarluuteqarput, taamatullu assigiinngitsunik pisariaqartitsillutik. Sullinneqartussat tamakku imatut allaaserineqarput:

”inunnut innarluutilinnut Kalaallit Nunaanni najugaqartunut, ataavartumik timikkut, tarnikkut, silassoris-sutsikkut imaluunniit malugisaqarsinnaanikkut piginnaanikillimasasut, aporfii illu assigiinngitsut sunniivige-qatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.” (Inuit innarluutillit tapersorsorneqarnissaannut Inatsisartut inatsisaat nr. 13, 21. juni 2019-imeersumi § 6).

Avannaata Kommuniata innuttaasut innarluutillit siunnersuineramik, ilitsersuineramik tapersersuinermillu neqe-roorfigai peqatigitillugulu kommunip suliniutigalugu innuttaasut innarluutillit inuiaqatigiinni peqataanissamin-nut eqqortunik periarfissaqarnissaat.

Isumalerujussuuvoq qulakkiissallugu, tapersersuineq ikiuinerlu aallartinneqartut, innuttaasup pisariaqartitaanit aallaaveqarnissaat. Innuttaasut innarluuteqaralarunilluunniit, sapinngisartik naapertorlugu, periarfissaqartariaqarput namminneq nukiminnik periarfissaminnillu atuinnissaminnut. Tusaaneqartutut peqataatinneqartutullu misigisimasariaqarput inuiaqatigiinni, sulianik ingerlatsisuni isumassuisunilu imminnut tunngasunik aalajangersaasoqartillugu.

Innuttaasut innarluuteqarnertik apeqqutaatinnagu, sapinngisamik qulakkeerunneqassapput allat piginnaati-taaffiisa periarfissaasalu assiginik, makku pineqartillugit, nammineq inuunerisamut akisussaaffeqassallutik, qini-gassinneqassallutik inuiaqatigiinnilu sunniuteqaqataassallutik. Tunngavissikkumallugu innuttaasut innarluute-qartut inuunertik pillugu qanorlu inooriaaseqarnissartik pillugu namminneerlutik aalajangersinnaanissaat, taa-matullu sapinngisamik nammineerlutik inuunerminnik ingerlatsisinnaanissaat, innarluuteqarnermut tunnga-tillugu piginnaatitaaffiit periarfissallu pillugit qaammarsaavigineqarlutillu paasisitsiniaaffigineqarnissaat ukka-tarinqassaaq.

Pingaartuuvoq anguniassallugu, innarluuteqarnerup politikikkut susassaqarfinni tamani isumaqartinneqar-nissaa, taamaalilluni suliffissaqarnissaq, ilinniarfissaqarnissaq, kulturi, timersorneq tamat oqartussaaqataane-ranni sunniuteqarneq il.il. pillugit periarfissaqartitaanissaq. Inuttut ineriartornissamut inuiaqatigiinnilu peqataa-tinneqartutut misigisimaneq pingaarutilerujussuuvoq inuup pitsaasumik inuuneqarnissaanut imminullu naleqar-tittutut misiginissaanut. Taamaattumik isumalerujussuuvoq inuiaqatigiinni periarfissat ima aaqqissuunneqar-simanissaat, innuttaasunit innarluuteqarnertik apeqqutaatinnagu peqataaffigineqarsinnaassallutik. Taamatullu pingaaruteqartigaaq innuttaasut innarluuteqarneq pillugu ilisimasaqanngitsut qaammarsaavigissallugit, timikkut tarnikkullu innarluuteqarluni inuuneq pillugu, inuiaqatigiinni assigiinngisisinnaaneq annikillisarumallugu.

Kommunip aallaavigaa innuttaasut innarluuteqartut kommunimi sumi najugaqarnertik apeqqutaatinnagu assigiimmik periarfissaqarnissaat. Issittumiinneq, illoqarfinni nunaqarfinnilu ataasiakkaani periarfissat atugas-sarititaasullu tamatigut isiginiarneqartarput, nutaanik suliassanik aalajangiisoqalersillugu. Isumalerujussuuvoq aaqqiissutiginiakkat najukkani ataasiakkaani pisariaqartinneqartunut naapertuunnissaat, aammalu kommuni tamakkerlugu pisariaqartitsineq matumani eqqarsaatigalugu.

Takorluugaq:

Kommunip innarluuteqarnerup tungaatigut takorluugaraa, inuit innarluutillit allat assigalugit inuiaqatigiinni periarfissaqarnissaat.

Innuttaasut namminneq nukissatik iluaqutigalugit inuunermillu sapinngisamik annerpaamik nammineerfiusumik periarfissaqarnissaat annertusarneqassaaq, tamatumani ilanngullugu innuttaasut innarluutillit inuiaqatigiinni inuiaqatigiillu assigiinngitsutigut ataatsimoorfissarpassuini peqataasinnaanissaat.

Innarluuteqarnerup iluani Avannaata Kommuniata suliniutigerusuppaa innuttaasut suleqatigisallu akornanni piujuartussanik attaveqatigigittoqarnissaa, inunnut tarnikkut timikkullu innarluutilinnut iluaqutaasumik.

Innuttaasoq qitiutillugu

Innuttaasunik peqataatsineq:

For at sikre, Innuttaasup innarluutillip eqqortumik ikiorneqarnissaa tapersorneqarnissaalu qulakkeerniarluggit suliamik isumaginninneq innuttaasup sapinngisaa unammilligassaasullu aallaavigalugit ingerlanneqassaaq. Innuttaasup kommunillu akornanni suleqatigiinneq naligiiffiusumik ataqqeqatigiiffiusumillu pissaaq. Innuttaasumik oqaloqateqarneq pingaaruteqarpoq, suleqatigiinnermullu isumalerujussuuvog innuttaasup tusarnaarneqartutut paasineqartutullu misigisimanissaa. Innuttaasoq sapinngisamik annerpaamik kiffaanngis-suseqarluni inuunissaminut piginnaatitaavoq. Innuttaasup nammineq inuunerminut akisussaaqataanerata aqqtussiuunissaa pingaartuuvog, inuuneranut inooriaasianullu aalajangeeqataatinneratigut. Anguniarneqassaaq innuttaasut innarluutillit namminiussuseqartutut inatsisitigullu illersugaasutut suliamik isumaginnittumik naapitsinnermini imminnorpiaq tunngasuni ikiorsiinarnermi siunnersorneqassallutik, ilitsersorneqassallutillu piginnataaffitik periarfissatillu kommunimiit allaninngaaniilluunniit, ikiorneqarnissamik tunngasutigut. Aaqqiissutisat ikiorsiinnissallu pineqartumut naapertuutissapput. Nalilersuinerne aalajangiinernilu innuttaasup isumai ilaatinneqassapput, kiisalu isumaginninnermi suliassani ilisimasat inatsisillu nutaanerpaat tunngavigineqassallutik.

Innuttaasup qanigisai attaveqarfii innuttaasup inuunerani pingaaruteqakkajupput. Innuttaasup kissaateqarnera naapertorlugu taakku suliamik isumaginninnerup ingerlanerani suleqataasussaapput pingaarutillit, kiisalu kingusinnerusukkut innuttaasumut ikiorsiissut eqqarsaatigalugu. Qanigisaasuniit innuttaasup toqqissimaneeq, pisariaqartitamik oqariartuuteqarnermini tapersorneqarneq pissarsiarisinnaavaa, kissaatit inuunermilu angorusutat ilanngullugit.

Suliat akimorlugit tamakkiisumik isiginnilluni suliamik isumaginninneq:

Innuttaasut innarluutillit amerlapput assigiinngitsunut attaveqarlutillu assigiinngitsuniit arlalinnit ikiorsiissutiniq pissarsisartut. Isumalerujuuvog ikiorsiissutit ataqqatigiissaakkamik tamakkiisumillu isiginnilluni tunniunneqartarnissaat, tamanna innuttaasumut paasiuminarnerussaaq. Avannaata Kommuniata kissaatigaa innuttaasoq pillugu suliap ingerlanneqarnera ikiorserniarneqarneralu tamakkiisumik isiginnilluni isumagineqassasoq. Tamanna anguniarlugu pisariaqarpoq kommunip avataatigut sullissisut assigiinngitsut innuttaasumik aamma sullissiniartut suliaqartit akimorlugit suleqatigiinnissaat. Innuttaasumut pingaartuuvog misigissallugu sullinneqarneq suleqatigiiffiusumik ataqqatigiissaakkamillu ingerlanneqartoq, tamannami aamma pineqartumut pitsaannerusumik sunniuteqaqataasinnaammat.

Suliaqarfii akimorlugit tamakkiisumillu isiginnilluni sullissinnermi ilanngullugu eqqarsaatigineqassaaq, innuttaasup inuunermini nikeriarfiit pingaarutillit eqaatsumik akornuteqanngitsumillu ikaarsaariarfigisassagai, nammineq qanigisaasullu toqqissimanissaat pillugu, soorlu meeraanermiit inersimasunngornerminut, meeqqerivimmiit atuarfimmum, nammineq najukkaminiit najugaqaqatigiiffimmum il.il. Pingaartumik meeraaneraniit inersimasunngorneranut ikaarsaariarfiimi piffissaagallartillugu tamakkiisumik isiginnilluni pilersaarusiunneqarsimanissaa pingaaruteqarpoq, sapinngisamik namminiussuseqarluni inersimasuunissaa siunissaqarnissaalu pillugit.

Innarluutilinnut siunnersuisoqatigiit:

Kommuni inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imi § 69 naapertorlugu Inunnut innarluutilinnut siunnersuisoqatigiinnik pilersitsissaaq. Inunnut innarluutilinnut siunnersuisoqatigiit ilaasortaataat katitigaassapput inuit innarluutillit peqatigiiffiinit kommunalbestyrelsimilu soqutigisat amerlaqatigiissillugit. Kommunip kissaatigaa inuit innarluutillit peqatigiiffii suleqatiginerulerlugillu attaveqarfiginerulernissaat, kommunimi inunnut innarluutilinnut tunngasuni aalajangersaasoqartillugu innuttaasut innarluutillit nipaataat ersarinneruleqqullugu. Siunnersuisoqatigiit attaveqaataassapput innuttaasut, inuit innarluutillit peqatigiiffiisa, pisorta qarfiit aamma kommunalbestyrelsip akornanni. Siunnersuisoqatigiit suliasaraata siunnersuisuussalluni suliniuteqarnernilu aallartitseqataasartussaassalluni innarluutillit pillugit apeqqutini pisorta qarfiit naalakkersuinikkullu suliasaqarfiit akimorlugit.

Suliamut piginnaasat:

Inunnut innarluutilinnut suliasanik isumaginnittut suliasarpassuit, ilaatigut amerlasooriarlutik oqimaassinnaasqisut, innuttaasooq qitiutillugu suliarisinnaassappatigit, suliasanut piginnaaneqarluinnartuusariaqarput inunnik perorsaanermit isumaginninnermullu tunngasutigut. Pisariaqarnera periarfissaqarneralu naapertorlugu sulisunik ilitsersuinernik ilinniaqqinnissamullu periarfissanik assigiinngitsunik qaffasissusilinnik assigiinngitsunillu imalinnik kommuni neqerooruteqartassaaq. Kommuni suliffigissallugu kajuminnartuusaaq, sulisussarsiornerlu pillugu sulisooreersunillu piginnaasaqarluartunik tigungminniinnarsinnaaneq siunertaralugu periusissiortoqassalluni, (Kommunimi periusiorluni pilersaarusiornissamut atatillugu). Kiisalu qulakkeerinnittoqassaaq, sulianik isumaginninnermi isumassuinnermillu suliaqarnermi isumaginninnermut suliasat aamma perorsaanermit ajornartorsiutaasinnaasut pillugit ulluinnarni sulisut siunnersorneqarnissamik, isumasioqateqarnissamik ilitsersorneqarnissamillu periarfissaqarnissaat.

Anguniakkat:

- Innuttaasut innarluutillit sapinngisaat aallaavigalugit peqataatinneqassapput, aalajangiisoqartillugu taassuma inuunera inuunermillu ingerlatsinera pillugit.
- Suliamik isumaginninnermi innuttaasup qanigisaasa attaveqaataasalu peqataatinneqarnissaat, tamanna innuttaasup kissaateqarnera naapertorlugu.
- Suliamik isumaginninnerit ataqatigiissaagaallutillu tamakkiisumik isiginninneq toqqammavigalugu ingerlanneqartut innuttaasut misigisinnaassavaat, innuttaasullu inuunerani pingaarutilinnik erseqqissisitsisuussallutik.
- Suliasamik isumaginninnermi suliasaqarfiit akimorlugit sulinissaq eqqarsarnissarlu.
- Innuttaasumut suliniutaasut imminnut ataqatigiinnissaat.
- Inunnik innarluutilinnik sullissinnermi suliaqartut suliamut atatillugu pisariaqartunik piginnaasaqarnissaat.
- Innarluutillit peqatigiiffiinit suleqateqarnerup nukittorsarnissaa.

Nammineerluni inuunermik ukkassilluarneq

Tapiiffigineqarnissamut periarfissat:

Innuttaasut innarluutillit innarluuteqarnertik pillugu piginnaanikillisimasut illuatungiliivigineqassapput, sapinngisamik namminneq kiffaanngissuseqarlutik inuuneqarnissamut, namminneq atukkatik periarfissatillu iluaqutigalugit.

Avannaata Kommuniani kissaatigaa toqqavississallugu, innuttaasup innarluutillip peqataatinneqarluni nammineerluni inuunermik nuannarisaqarluni ukkassilluarsinnaanissaa, innuttaasup eqqortumik siunnersorneqarneratigut, ilitsersorneqarneratigut piffissarlu eqqortoq atorlugu ikiorserneqarneratigut. Ikiorssiinissamut periarfissat qaffasissumik pitsaassuseqassapput, innuttaasullu ineriartorneranik pisariaqartitaasalu allanngornerinik malinnaasuussallutik.

Anguniarneqassaaq perorsaanerup inunnillu isumaginninnerup tungaatigut sullissineq pinaveersaartitsinermik alimasissumillu isiginninnermik ukkassinertaqassasut, pinngitsoortinniarlugu isumaginninnerup, timikkut tarnikkullu ajornartorsiutit tungaatigut nutaanik pilersoqarnissaa, imaluunniit atugaareersunik ajornerulersoqarnissaa.

Innarluuteqarneq pillugu politikkilornermut atatillugu ikiorssiisarnerni ataasiakkaani pitsaassutsikkut ileqqorineqartussat suliarineqassapput, taamaalilluni innuttaasut innarluutillit ikiorserneqarnissamik periarfissaannik piginnaatitaaffiinillu erseqqissaavigineqassallutik, ilanngullugulu ikiorserneqassagaanni suut piumasaqaataannersut.

Ineqarneq:

Pingaartorujussuuvoq ineqariaatsit innuttaasunut innarluutilinnut kommunimit neqeroorutigineqartut pineqartunut pisariaqartitaannullu naleqqussarsimaneqarnissaat. Kommunip anguniarpaa periarfissaalersikkumallugu innuttaasut innarluutillit namminerisaminnik angerlarsimaffiminniiginnarusuttut tamarmik periarfissaqalernissaat. Tamanna inunnut amerlanerpaanut inuunerissuunissaq eqqarsaatigalugu isumalerujussuuvoq, toqqissimaffigisamik avatangiiseqarnissaq, najugaqarfik ilisarimasaaq, qanigisat attaveqarfigisartakkallu qanilugit.

Nammineq najugarisami inuuneq inuunermillu ingerlatsineq nammineq sapinngisaaq aallaavigalugu periarfissarineqassaaq innuttaasumullu innarluutilimmut ataqqinartumik. Taamaammat pisariaqarpoq eqqortumik ikiorssiisoqarnissaa, atortorissaruteqarnissaa, ilaatigullu najugarisamik allanngortitsisoqartarnissaa, taamaaliornik-

kut innuttaasoq ikorfartorusullugu inuunini nammineerfigalugu nuannersumik imaqartumillu atugaqarsinnaaq-qullugu.

Ikorsiinermi angerlarsimaffigisaq naammattumik pitsaassuseqalersinneqarsinnaanngippat kommunip najuga-qarfissamik allamik neqerooruteqassaaq, innuttaasup pisariaqartitsineranut aningaasatigullu periarfissaqarneranut naapertuuttumik.

Kommunenip najugaqarfissatut periarfissai allat najugaqaqatigiiffiillu inerisarneqartuartariaqarput inuiaqatigiit pisariaqartitaannut naapertuussarneqarlutik.

Paasissutissiineq:

Innuttaasut innarluutillit piginnaatitaaffii, pinaveersaartitsineq peqqinnerulernissarlu siunertaralugu suliniutit pillugit qaammarsaaneq paasisitsiniaanerlu inerisarneqassapput annertusarneqarlutillu, inuiaqatigiit akornanni, kisianni aamma sulianik isumaginninnerni ataasiakkaani. Anguniarneqassaaq paasisitsiniaanermi qaammarsaannermilu innarluuteqarluni inuunerup qanorlu kinguneqartarnera pillugu innuttaaqataasut tungaannut annertusarneqarnissaa, taamaaliornikkut paasisimasaqarneq annerulerseqqullugu assigiinngisitsinerlu annikinnerulersillugu, inuiaqatigiinni inuit ataatsimoorfiini assigiinngitsuni.

Anguniakkat:

- Innuttaasut innarluutillit sapinngisamik nammineq inuuneqarnissamut sapinngisamillu qaffasittumik pitsaassusilimmik inuuneqarnissamut eqqortumik siunnersorneqarlutillu, ilitersorneqarlutillu taper-sorneqassapput.
- Suliamik isumaginninnermi pinaveersaartitsineq alimasissumillu isiginninneq eqqarsaatigineqassapput.
- Tapiiffigineqarsinnaanermut periarfissat pillugit sullissinnermi pitsaassutsikkut ileqqussanik suliaqartoqarumaarpoq.
- Innuttaasut amerlanerpaat, namminerisaminnik angerlarsimaffiminniiginnarumasut tamatumingga periarfissaqartinnissaat.
- Innuttaasut innarluutillit innarluuteqarnerup iluani piginnaatitaaffitik periarfissatillu ilisimassagaat.
- Innuttaasut innarluutillit innarluuteqarnertik pissutigalugu assigiinngisitaasutut immikkoortinneqartutullu misigitinneqassanngitsut.
- Innuttaaqataasut allat innarluuteqarluni inuuneq pillugu paasisimasaqarnerulernissaat.

Peqataatitsineq inuunerinnerlu

Tikikkuminassuseq:

Avannaata Kommuniata kissaatigaa, kommuneqarfiup iluani illoqarfinni nunaqarfinnilu inuuttaasut tamarmik periarfissaqassasut peqataanissamut inuiaqatigiinnullu pilersueqataanissamut. Inuit katersuuffiini namminerlu soqutigisat ukkannissaannut periarfissaqassaaq. Inuit innarluuteqarnertik pissutigalugu mattuteqqappata tamanna timikkut eqqarsartaatsikkullu kingunerluuteqartitsisinnaavoq. Inuit akornanniinneq toqqammaviliisusarpoq inuttut ineriartornissamut, inuttut peqqissuunissamut inuunerissaarnissamullu.

Taamaattumi tamanna ilaatigut pissutigalugu pingaartuuvoq kommunip illuutaasa, timersornermut kulturimullu atatillugu ornittagaataasa innuttaasunit innarluutilinnit tikikkuminartuutinneqarnissaat. Siunissami sanaartugassat eqqarsaatigalugit innarluutillit kommunip ilanngullugit eqqarsaatigisariaqarpai, sanaartukkallu pioreersut tikikkuminarsarlugit, taamaaliornikkut innuttaasut innarluutillit pisoqarfiusumik imartuumillu inuuneqarnissaat annertusarumallugu.

Tikikkuminassuseq aamma digitalimik attaveqarnissamut tikikkuminassusermiippoq. Kommuni periarfissanik digitaliusunik nutaanik pilersitsigaangat innarluutillit ilanngullugit eqqarsaatigineqartassapput, qulakkearniarlugu tamakku innarluutilinnit pisariitsumik atorneqarsinnaanissaat.

Suliffeqarneq:

Suliffeqarneq inunnut amerlasuunut inuttut naleqarnerulernermik inuunerullu siunertaqarneranik misigisitsisarpoq. Suliffeqarfimmi ataatsimoorfiusumi peqataatitaanermik misigineq imminut pitsaasumik paasinnilersitsisarpoq, nuannaarnermik inuunerinnermillu. Suliffeqarnikkut inuiaqatigiinnut akulerusimasutut mi-siginissamut aqquataavoq pingaarutilik, suliffeqarnerullu tungaatigut sulisut assigiinngissuseqarnerisigut nukit-torsaaneq pisarpoq tamatuma pitsaaqutai tamaasa ilanngullugit. Innuttaasut innarluutillit amerlanerusut suliffeqarfimmiinnissaat aamma aqquataasinnaavoq innuttaasut innarluutillit atugaasa innutaaqataasunit paasisimasaqarfiginerulernissaannut. Tamatumattaq malitsigisinnaavaa assigiinngisitsinerit immikkoortitsiniartarnerillu ikinneruleneri.

Innuttaasut innarluutillit nukinnik piginnaasanillu suliffeqarfinnit iluaqutigineqarsinnaasunik pigisaqarput, taamaattumillu Avannaata Kommuniata kissaatigaa innarluutillit amerlanerusut suliffeqarnikkut akuutinneqarnerulernissaat.

Avannaata Kommuniata innuttaasoq innarluutilik, innuttaasut ataasiakkarlugit pisariaqartitaat periarfissaallu sapinngisamik aallaavigalugit suliassaqartittussaavai.

Aaqqiissutissat pitsaasut suliffeqarnissamullu periarfissat nassaariumallugit kommunip innuttaasut, namminersortut Majoriarlu suleqatigerusuppai.

Innuttaasoq innarluutilik atugassarititaasut nalinginnaasut tunngavigalugit suliffittaarsinnaangippat sannaviit illersugaasut suliffeqarfiilluunniit illersugaasut eqaatsumik atugassaqartitsiviusut neqeroorutigineqarsinnaasariaqarput.

Inuit innarluutillit nalinginnaasumik piunasaqaatit malillugit sulisinnaangitsunut periarfissat allat atorlugit sulisinnaanissaannut sumiiffingisami piginnaanngorsaanikkut aammalu eqaannerusumik suliffeqartitsinerit aqqtugalugit suliffeqarfinnut periarfissarsiuunneqassapput, taakkualu saniatigut sullivinnik illersugaasunik imaluunniit suliffinnik illersugaasunut inuttaanut tulluarsakkamut periarfissarsiuunneqassapput.

Suliffeqarnissamik periarfissanik neqerooruteqarnerup saniatigut innuttaasut innarluutillit inuit ataatsimoortarfiinik sammisassaqarfiinillu katersuuffissaqarnissaat aammattaaq periarfissaqartariaqarpoq.

Aaqqiissutissat pitsaasut suliffeqarnissamullu periarfissat nassaariumallugit kommunip innuttaasut, namminersortut Majoriarlu suleqatigerusuppai.

Innuttaasoq innarluutilik atugassarititaasut nalinginnaasut tunngavigalugit suliffittaarsinnaangippat sannaviit illersugaasut suliffeqarfiilluunniit illersugaasut eqaatsumik atugassaqartitsiviusut neqeroorutigineqarsinnaasariaqarput.

Suliffeqarnissamik periarfissanik neqerooruteqarnerup saniatigut innuttaasut innarluutillit inuit ataatsimoortarfiinik sammisassaqarfiinillu katersuuffissaqarnissaat aammattaaq periarfissaqartariaqarpoq.

Ilinniarneq:

Meeqqat inuusuttullu ilinniagaqarnissaat kommuni immikkut akisussaaffeqarpoq. Ilinniagaqarnerup sinnattut piviusunngortittarpai periarfissallu ammaattarlugit, kinaassuseqarnermullu isumalerujussuulluni inuunerissaar-nissamillu tunisisuulluni. Meeqqat inuusuttullu innarluutillit piginnaatitaapput pitsaasumik ilinniagaqarnissamut, tassani ilinniagaqarsinnaanermut allallu naligalugit ataatsimooqatigiiffinnissinnaasaminnik. Kommuni ilinniar-fiutai atuartitsinermik, periarfissanik atortorissaarutinillu neqerooruteqassapput, meeqqat inuusuttullu iluatsit-siffiusumik ilinniagaqarnermik ingerlatsisinnaanera periarfissillugu. Ilinniarsimasunik sulisussaaleqineq anner-tusiarortillugu inuiaqatigiinni ilinniagaqarsimassuseq isumaqartinneqarnerulersussaavoq. Innuttaasut innar-luutillit nukissarpassuaqarput, ilinniartitaaneq aqqutigalugu suliffeqarfinni pingaarutilinnik piginnaasaqalernis-samut.

Anguniakkat:

- Innuttaasoq innarluutilik Kommuni kiffartuussinissamik neqeroorutinut allat naligalugit periarfissaqassaaq.
- Innuttaasoq innarluutilik ilinniagaqarnissamut suliffeqarnissamullu periarfissaqassaaq.
- Innuttaasut innarluutillit aqqissuussanut peqatigineqarnissamillu neqeroorfigineqassasut.
- Innuttaasut innarluutillit eqqortumik tapersorsorneqassapput, allat assigalugit inuiaqatigiinni peqataanissaminnut soorlu timersornermi kulturimilu pisuni.
- Kommuni illuutai periarfissarititaalu allat innuttaasunit innarluutilinnit iserfigineqarsinnaasaria-qarput.